

『大般若波羅蜜多經』卷 57 (『寧樂遺文』宗教篇下)

奉為

大師故僧正大和尚、敬写大般若經一部六百卷、意者失四時改變、八節推移、俄頃須臾一周已度、且俗礼有限、不敢固違、每想提獎之教、則頻絕無期、念愍育之言、則更何恃怙、今縱粉身碎骨、以壽恩德無邊、罄用私財、依憑般若、故今繕写奉翊幽靈、因此勝因、果成妙果
天平十九年歲次丁亥十一月癸酉朔八日庚辰大唐弟子僧**善意**記